

No Servus, Diener und Habe die Ehre!
Etze kummt dos

Nej su wos

vu Sömde, n 13. August 2022



Dr. Hans-Joachim Hübner

De Dorfchronik vu Anton Jäger


Wie mr vur a poor Juhrn an Gablinzr Hause de Bibliothek, wos de Zosche Gerti vrwaltn tote, ausgeräumt hotte und olles, wos topplt wor odr ne s lsergeborge betrof, bölllich vrramschn tote, ho ich mr zwee Toschvln Bichr mitgenumm. Mit drbeine wor a Buch, wos mich reglrecht begeistert hout: De Dorfchronik vu Anton Jäger (1817 - 1872). Ha stommte aus Neuwald bei Proschwitz. A wor schun vu klejne uf sehr wißbegierich und dos ei ar Zeit, wu dos Schulwesn doumouls noch ne mit ötze zu vrgleichn wor und ville ne amoul röchtich lasn und schreibn bretttn. A tote olle Bichr, die a kriegn konnte, lasn und sommln Sei Votr drzahlte n ahle Geschöchttn und a froite de Leute, wos die su vu frieher woßtn. Dos olles tote a ufschreibn. 1865 hout a dann seine „Dorfchronik“ vu Maffersdchdorf, Proschwitz und Neuwald rausgegahn. Vrkouft hout a ne vill Exemplare und vrdinnt hout a ou nischt drbei. Vu Fachleutn hout a obr vill Loub gekricht.

Wenn mr ei dan ahln Buche löst, kömmt enn vill ei dr heutichn Zeit bekannt vier. 1770 bis 1772 wor an lsergeborge ane ganz schlömme Hungerschnut. 1770 tote a Striech Wejzn - dos worn erne 60 bis 75 Kilo, genau wejß ich s ne - 6 Guldn kostn, wos salte sehr vill wor. Mr wollte die Teuerung bekämpfn und tote n Preis of hichstns 4 Guldn festlehn. Su solltn die Leute mieh zun Assn kejfn kenn. De Ernährungssituatioun wur obr doudorch ock noch elendr, weil de Vrkejfr ihr Getreide ötze zoröckehaln tottn und of hichere Preise spekuliern. Wenn ich o de ötzschn Gesetze (Mietpreisbremse, Tankrabatt, 9-Euro-Ticket) denke, kömmt mr dos ou nösch Gescheutes vier.

O ennr Stelle schreibt Jäger, doß es zu sannr Zeit Leute mit „kolossalem Reichtum“ gob. Kömmt euch dos amende ne ou bekannt vier? Ötze soht mr halt, doß de Schare zwöschn Orm und Reich ömmer mieh ausanandr gieht. O ar andern Stelle schreibt a vu dan „unnützen Hunden“, die sich de Leute haln. Hoffntlich sein ötze de Hundebesitzer ne biese of mieh, wenn ich dos genausu sah - wemmr amoul vu Blind- und Therapie- und Wach- und Rettungshundn und suwos obsitt.

S lsergeborge wor ganz frieher a Urwald mit riesngrußn Bejmern. Mit dr Osiedlung vu dr Industrie hout mr dann vill Puusch öngemacht. Jäger schreibt vu ar „fortschreitenden Entwaldung“. Weil mr zun Ofange noch ne wiedr ufgeforstet hout, tote dannofte ock noch niedriches Sträucherzeug wachsn. A schreibt ou, ohne Puusch ös dos ne gutt frsch Klima, weil s sein kon, doß es dann länger ne rahnt, und wenn s rahnt, dann wieder su gehliche, doß es lebrschwemmungn göbt. Wenn Jäger wößte, wie sich dos ötze olles bewuhrhejtn tutt!

Mejnt r ne ou?



Anton Jäger

* 1817, † 1872
